

選四師大開全真巍巍法教東海西秦

丹陽馬真人

晚契奇因盡捨家貲千朝得道三誓承師風
雷示化金玉垂辭逸矣前躅如何可追

長真譚真人

一見師真痼疾頓愈決烈入道水雲為侶歸
觀終南聚徒洛土教風既弘宛然高舉

長生劉真人

童真之力聖賢所扶風姿秀異洛市工夫中
遭厄鬱所守不渝聲名卒顯被召海隅

長春立真人

猗歟長者不可復得三朝推尊才學功德懸
此兵戈遠涉西北九九乃終世人莫測

玉陽王真人

幼遇玄庭再禮重陽飛傘送號金蓮共芳跡
多神異名動帝王高山景行千載雲光

廣寧郝真人

雖出闕閣獨喜林泉兩詞一衲終始師傳神
示易秘沃橋六年化緣逆順悉合自然
甘水仙源錄卷之二

甘水仙源錄卷之三

息三

夷門天樂道人李道謙集

清和妙道廣化真人尹宗師碑銘并序

汝陽弋毅撰

宗師全真嗣教六世祖也自守真緒風化鼎

盛什百於疇昔形器之域古今同盡春秋八

十有三遠有拂衣啓手之嘆以辛亥二月六

日昇于大房山清和宮之正寢寧神五華山

者幾十稔矣嗣教誠明張公一日語衆曰清

和師思報祖師之恩遂大葬之禮仍即其福

地並建宮宇勝饗甲天下弘闡祖道功越古

今吾儕享其成業今無一報願實腆矣將刻

碑紀實以詔無窮若何僉曰唯遂以中統三

年十月吉日徵文於汝陽弋毅僕以師真道

德高厚與妙無方詎以荒疎淺淺者所能窺

測形容哉固辭不可謹按門人馬志通所紀

行狀仍撫其功德之著見於耳目者序述之

夫道之在天下而巳惟天之所以卑付於

聖賢者無不備其所以濟斯世而見於功用

者或久近廣狹之不齊何哉曰時也時非聖

賢所能必能不滯其時而已或拱揖廟廟或

私淑則陋或清靜而化揖讓而治或平水王

降播種或放伐以救焚溺或寬然以革苛偽

文勝質喪則示還純反朴之訓禮壞樂崩則

正三綱五常之教大則天下後世小則一郡

一邑隨機應變與物推移要不過乎徇道以

濟斯世耳由跡以觀之功用之不齊者所遇

之時異也則天之以是道而卑付於聖賢者

曷嘗有二哉道猶水也渴則為酌飲旱則為

灌漑道猶火也飢則為烹飪寒則為煦嫗用

雖不同而水火曷嘗有二哉頃以金錄訖運

喪亂並興黔黎殄於菹醢玉石燼於烈火天

意開顧挺生至人全昇斯道以假援之之手

於是重陽而後丹陽長真生長春繼出而

全真之教興及清和接長春之統授受之際

累聖之妙無餘蘊父作子述闡化數十年徒

侶徧天下聞望重朝野風之所靡狼戾易心

強梗順命革煩苛為清靜化湯火為衽席挈

一世鄙天之民躋之仁壽之域自古教法之

盛功德之隆惟清和師為最蓋天之界付之

道一而所遇之時異也師諱志平字大和姓尹氏遠祖居滄州前宋時有官萊州者因家焉顯高祖妣有子九人俱登進士第仕至郡守者七人顯大父公直顯考弘誼皆隱德不耀師於大定九年正月二十日生是夕其母方寐見儀衛異常皆盛服而入神思愕然驚寤師已誕矣時里人相驚曰尹氏宅火奔救之至則無火稍長舉止異凡兒三歲穎悟善記事五歲入學日誦千餘言讀書即玄解嘗因紀事究生死理杳然遐想自忘七歲遇陝西王大師有從遊意十四歲遇丹陽真人遠欲棄家入道其父難之潛往十九歲復迫令還家錮之竟逃出再三始從之住昌邑縣之西庵常獨坐樹下達旦或一夕見長生劉真人飄然而來斷其首剖其心復置之覺而大有所悟後住庵福山縣養疾患困勤瘁者累年衆德之遊維州時龍虎完顏氏素豪侈慕師道德施圃地創觀曰玉清率家人專事之令觀廢於兵而松檜鬱為茂林後觀長春真人於棲霞觀執弟子禮真人特器異之付授

無所隱又受易於太古郝真人受口訣於王陽玉真人自是道業日隆聲價大振四方學者翕然宗之已卯歲太祖皇帝遣使宜劉仲祿徵長春真人仲祿及益都真常李公曰長春今在海上非先見尹公必不能成此盛事及濰陽謁師於玉清之大室見其神采嚴重不覺畏敬自失從容語及詔旨師大喜曰將以斯道覺斯民今其時矣遂偕往觀長春真人於萊州吳天觀先是金宋聘命交至皆不應至是師勸行決計北上時從者十八人皆德望素重者師為之冠幸已及癸未備嘗艱阻既見帝於西印度奏對稱旨還及雲中真人聞山東亂國兵又南下曰彼方生靈命懸砧鼎非汝莫能救遂遣往招慰聞者樂附所全活甚多乙酉歲勅令長春真人住太極宮即今長春宮也師在席下四方尊禮者雲合師曰我無功德敢與享此供奉乎遂辭退住德興之龍陽觀屢承真人手割示以託重意及真人升師方隱煙霞觀又欲絕跡連遁為衆以主教事敦請勉

從之還長春宮以嗣事自任自是徒衆輻湊輦贖樂貢者日充塞庭宇忽謂衆曰吾素賦冗劇喜山林遂因平樂請主醮事而出遁景州之東山未幾燕之僚士因請還宮壬辰帝南征還師迎見於順天慰問甚厚仍令皇后代祀香於長春宮貺賚優渥甲午春遊母閭山太玄觀之李虛玄語人曰去年院中青氣氤氳者累日占者以為當有異人至今師來既驗矣踰春南歸及玉田衆喜為數日留日已曠遽促駕兼夜行五十餘里舍豐草中衆莫知所以後還宮始知在玉田時有寇數百欲劫掠追至大合甸不及而反從者相賀曰非師奈我輩何時皇后遣使勞問賜道經一藏乙未春詣沁州主黃籙醮事入郊城境居人或夢縣之地祇曰真人來當警衛無虞及平遙醮事時旱久且風醮之三晝夜燈燭恬然在他境猶風沁帥杜德康平遙帥梁瑜各苑官觀一方傾心焉九月達平陽分命披雲宋公率衆鑿道藏經板不數載而完所費不貲而人樂成之亦師為之張本師以此道

化大行歸功祖師重陽真人遂留意祖庭時
京兆行省田公馳疏來請適與師意合丙申
春始達於樸莽中規度兆域及宮觀基址終
南太華等處諸觀宇廢不能復咸請主於師
時陝右甫定遺民猶有保柵未下者聞師至
相先歸附師為撫慰皆按堵如故繼而被命
於雲中令師選天下戒行精嚴之士為國祈
福化人作善時平遠之興國觀崢之神清前
高之玉虛白雲洞定襄之重陽沁之神霄平
陽之玄都皆主於師秋帝命書楊公召還
燕道經太行山間群盜羅拜受教悉為良民
出井陘歷趙魏齊魯請命者皆謝遣原野道
路設香花望塵迎拜者日千萬計貢物山積
略不顧戊戌春忽曰吾老矣久厭勞事以正
月上日傳衣鉢於真常李公俾主教事乃卜
築五華山并增葺大房山之真陽觀更曰清
和宮以為菟裘焉終南祖庭葬具已備庚子
冬請師董其成欣然而往雖冒寒跋險不憚
也常曰吾以報師恩耳時季冬京兆一境旱
衆禱曰師來和氣必應下車而雪大藏葬禮

以明年正月二十五日既事時陝右雖甫定
猶為邊鄙重地經理及會葬者四方道俗雲
集常數萬人物議恟恟不安賴師道德素里
鎮伏邪恣故得完其功初重陽真人修道於
此既成火其庵而東貽詩有後人復修意至
是師喪之亦有繼祖來修之語噫百年事終
始脗合豈偶然哉於是剪蕪平丘土木並作
堂廡殿閣粲然一新既成額以重陽以示報
本意若華山之雲臺驪山之華清太平宗聖
等宮悉擇名重者宿以主之興完皆踰舊是
年還燕夏五月過太原時自春不雨禾種不
入師憐之出已幣物為香火費為民祈禱兩
大霽及還燕無幾何謂侍者曰我常便清和
宮之西堂故居之今為我灑掃方丈從之翌
日長往及宮泚頰禮聖畢訣衆曰吾將逝矣
衆驚愕師曰吾意已決夫復何言有進紙筆
者然不應惟戒葬事勿豐遂不食但飲水嚼
茶危坐談道語音雄暢異常是夜久正衣冠
曲肱而逝衆毀哭過哀時馨香之氣滿室遠
近聞者奔走踴躍哀感若喪考妣初師遺言

葬大房至是僚士因請遂葬五華徇與意也
中統改元二年詔贈清和妙道廣化真人師
平日著述甚多門人板之目曰葆光集并語
錄皆通貫經藝洞見道體所謂博學而約說
者當時朝旨褒崇及宏儒名卿詩文讚美哀
為一集目曰應錄錄其覺後進則高下不遺
蹊逕坦明以謙遜勤約為治心之要以踐履
功行為入道之基及其縱說則時亦露機緘
之妙所謂窮理盡性以至命者也得其門者
由堂及與其次不失為誠謹之士其成就於
人者如此初居維陽龍虎家餘二十年姬侍
日滿前終莫一識其面嘗失善馬獲其盜物
色既驗盜畏罪不承曰此我馬也師即還馬
縱去其高潔不累於物如此至大至剛之氣
充諸內形諸外望之如神即之如春不怒而
威匪爵而尊雖萬乘不足加其重雖窮處不
足為之輕其平日之所養者如此及遭時得
君權道濟物祥風時雨覆及遠方跂行喟息
罔不得其所其見於功用者如此其至誠前
知感通神明則又時出人意表以天挺之姿

承積累之基譬猶日中之陽月盈之光不期盛而自盛尚且謙抑自居淡泊自樂化應乎無窮之緣神寂乎寥廓之鄉體用兼備無過不及之弊其諸異乎同源而異流者歟抑世有以綱常為言者是又大不然自四海橫濱華禮蕩滅汚俗所染又豈特於借鋤德色取第辭語八佾舞庭召王所狩者乎及風化所過暴者仁奪者讓泰者抑上下怙然此於綱常之助其功豈易量哉僕悼夫昧大體而妄自分裂者故并及之銘曰

叔世運厄坤軸旋皇綱解紐兵方連鼎中生靈若小鮮磨牙萬喙垂飢涎天生至人蓋汝憐神道設教界已專重陽發源亦有傳得自無始先天世間果有甘河泉萬劫老冰常涓涓流入離陽玉清前濯溉六葉開金蓮混沌雖鑿大道全積霽掃盡孤月圓至理渾融無正偏漆園鄭圃非獨賢遭時得君明機權鑑光亦豈從媼妍冥鴻高舉遂海邊閻闔萬里來翩翩鰲頭可釣虎可編萬蚪誰信容宮鞭頰波力障迴九川塗炭氣化成凡筵惠雨

一灑劫火燃大地墾作種玉田精衛投石海空填蟻蛉遇祝速變遷風雲千載非偶然轉禍為福皆貪緣歸來演教談妙玄英華咀嚙九九篇琅函萬軸成蹄筌始信天上無癡仙誅泗豈特徒三千燈分大小俱輝輝有心不敢自聖願有口難說無礙禪人云功行徧八垓波浪幻跡從涸涸草樓菟裘茅一椽茹芝大房腹便便直釣坐釣三峯巔實地花木肥芊芊青山不礙行雲煙死而不亡壽更延他山有瑛寶可鑄光騰億劫無歲年千谿萬壑分輝煥明月依舊懸青天

玄門掌教大宗師真常真人道行碑銘

翰林學士承旨資善大夫知制誥兼修國史王錫撰

道教之曰全真以重陽真人為祖師其自甘河仙遇劉蔣楚庵行化關東前後僅十年而天下翕然宗之非信道篤而自知名安能特立文章如是卒之搜奇訪逸得高第四人曰丹陽曰長真曰長生曰長春四人者俱能整玄網弘聖教使運數起而道德新躋矣哉至

於禮聘兩國聲馳四方生能無欲歿能不壞惟長春師為然師教物以仁度人以慈澹然無極而眾美從之故遊其門者率聰明特達之士然傳法嗣教止於尹清和李真常二公而已清和公早慕真風徧趙法席離陽化度沙漠侍行為長春門弟子之冠其踵師掌教謙抑不居竟脫煩勞優遊以壽終若夫以清靜養真以仁恕接物華實相副大質養全名重望崇使遠近道趨拜堂下惟恐其後則吾真常公有之矣公諱志常字浩然其先涿州永年人宋季避地濮之范陽尋又徙開之觀城因著籍焉高祖皓曾祖昌祖明父蔓皆隱德不耀素為鄉里所重明昌癸丑春正月十有九日母聶氏夜夢異服一人授以玉兒覺而生公二歲喪父六歲喪母養於伯父濟川家濟川諱蒙名舉子也賦義兩科屢占上游雖以四舉終場同進士出身歎如也見公穎悟不群嶄然出頭角意欲作咸以惜早昔之願而公不喜文飭雅好恬澹常默禱萬寧聖早達異師勝文式副夙心年十有九伯將

議婚公聞之嘆曰本期學道未涉津涯若愛
欲纏縛則古人高蹈出塵之事業難乎有成
矣同舍兄張本敏之初以嗣續規公既知牢
不可奪乃各言所志而訣居無幾負書與杖
作雲水之遊初隱東萊之平山復徙天柱山
之仙人宮宮之主者曰湯陰李仙見公儀觀
魁偉音吐不凡大加賞異連公辭告之曰君
玄門大器也山庵兼僻非久淹之地昔祖師
所至異人並出今獨長春在焉宜往從之他
時成就未可量也公翌日遂行至即墨之東
山窮真枯喪亂土寇蜂起山有窟室可容數
百人寇至則避其中衆以公後拒而不納俄
爲寇所獲問窟所在捶楚慘毒絕而復蘇竟
不以告寇退窟人者出環泣而謝之曰吾儕
小人數百口之命懸於公一言而公能志不
納之怨以死救之其過常情遠甚爭爲給養
至於康調迄今父老猶能道之歲戊寅夏六
月聞長春師自登居萊公促裝往拜席下師
一見器許待之異常山東路轉運使田琢器
之高其行且聞昔在即墨主帥黃擱副統容

公籌畫保完一城以書邀至益都待以賓禮
已卯冬十有二月我朝遣便宜劉相仲祿齋
詔備禮起長春師于東萊時益都副帥張林
自金歸宋叛服靡常公懼其爲阻滯乃往說
林俾移檄所經衛送以行庚辰春正月師始
命駕從行者十有八人公其一也二月連燕
明年春二月上秋七月至阿不罕山距漢
地幾萬里並山漢人千家逆師羅拜以爲希
世之遇咸請立觀擇人主之師將行指公坐
上語衆曰此子通明中正學問該洽今爲汝
等留此其善待之因賜公眞常子號額名其
觀曰棲霞師既西邁公率衆興作刻日落成
又立長春玉華二會至今不輟癸未夏五月
師至自行在憩于其觀一日齋客四集師手
持一弓弦不言以授公公亦不言而受圍而
佩之仍作詩爲謝師但笑領而已蓋阿不罕
之留弓弦之授識者知其有付屬之意秋七
月從師還至下水時殘暑尚熾師因納涼官
舍之門樓字呼公而教之曰眞師不易遇得道
者不易逢逢之而不易識也守道之爲人貌

而天行直寓六骸而淵宗忘飢渴而常寧至
靜而遺形獨遊乎無極之妙庭此語汝當記
之以俟他日自得之耳公拜而謝自承教之
後益自奮勵息機體眞敬事循理歷死生憂
患之際曾不易其所守師住燕京之日凡教
門公事必與聞之丁亥秋七月師既仙去清
和嗣教以公爲都道錄兼領長春官事己丑
秋七月見上於乾樓輦時方詔通經之士教
太子公進易詩書道德孝經且具陳大義上
嘉之冬十一月得旨方還庚寅冬有誣告處
順堂繪事有不應者清和即日被執衆皆駭
散公獨請代之曰清和宗師也職在傳道教
門一切我悉主之罪則在我他人無及焉使
者高其節特免桎械鎖之入獄夜半鎖忽自
開公以語獄吏吏復鎖之而復自開平旦吏
以白有司適以來使會食所食肉骨上隱然
見師像其訟遂息癸巳夏六月承詔即燕京
教蒙古貴官之子十有八人公薦寂照大師
馮志亨佐其事日就月將而才藝有可稱者
乙未秋七月奉詔築道院於和林委公選高

道乘傳以來雖清和掌教而朝觀往來必以公故公為朝廷所知而數數得旨璽書所稱曰仙孔八合識八合識譯語師也戊戌春正月清和會四方耆舊手自為書付公俾嗣教公度不能辭乃受之三月大行臺斷事官忽土虎奉朝命復加玄門正派嗣法演教真常真人號夏四月赴關以教門事條奏首及終南山靈虛觀係重陽祖師鍊真開化之地得旨賜重陽宮號命大為營建甲辰春正月朝命令公於長春宮作普天大醮三千六百分位及選行業精嚴之士普賜戒籙遠戊申春二月既望醮始告成凡七晝夜祥應不可殫紀歲辛亥先帝即位之始年也欲遵祀典遍祭嶽瀆冬十月遣中使詔公至闕下上端拱御榻親緘信香冥心注想默禱於祀所者久之金盒錦幡皆手授公選近侍哈力丹為輔行仍賜內府白金五千兩以充其費陸辭之日錫公金符及倚付璽書令掌教如故公至祭所設金錄醮三晝夜承制賜登壇道衆紫衣暨所屬官吏預醮者賞賚有差詢問窮乏

量加賑卹自恒而岱岱而衡衡隸宋境公嘗奏可於天壇望祀焉既又合祭四瀆於濟源終之至於嵩至於華皆如恒岱之禮祀所多有徵應鴻儒鉅筆碑以記之士子春正月命駕終南祖庭恭行祀禮規度營造凡山下道院皆為一例以是地係教門根本故也建四月既望東歸癸丑春正月奉上命作金錄大齋給散隨路道士女冠普度戒牒以公為印押大宗師甲寅春上又遣使作普天大醮分位日期如戊申而益以附薦海內七魂勅公為大濟度師出黃金五百兩白金五千兩凡龍壁環紐鎮信之物及沉檀龍麝諸香並從官給自發牒至滿散鸞鶴五雲現於空際者無虛日公復念燕境罪徒久幽犴狴不以滌洗則無由自新言之有司蒙開釋者甚衆冬十有二月有旨召公乙卯秋七月見上於行宮適西域進方物時太子諸王就宴勅公預焉舍館既定數召見咨以治國保民之術十有二月朔旦上謂公曰朕欲天下百姓安生樂業然與我同此心者未見其人何如公奏

曰自古聖君有愛民之心則才德之士必應誠而至因歷舉勳賢並用可成國泰民安之勅上嘉納之命書諸冊自午未間入承顧問及燈乃退丙辰春正月以老辭夏四月至自北庭五月至晦總真閣之北簷無故摧壞六月庚申朔公倦於接應謝絕賓客隱几不言戊寅正襟危坐語左右曰昨夜境界異常吾自知卦數已盡歸其時矣主管教門向已奏聞今誠明張志敬受代餘無可議者翌日悉以符印法衣付之乃留頌順正而化春秋六十有四平昔著述多為人所持去有又玄集二十卷西遊記二卷行於世公以儒家者流決意學道事師謹與人忠茹葷飲酒之戒消毫不犯主宮門二十年凡所營繕皆公指授聲飛櫛比雉冠一時四方信施歲入良多悉付之常住一無私積羽化之日衣衾杖屨而已性質直不能曲意順情故謗訟屢興隨即自解公一不校復以誠信待之方其與同舍張君敏之之訣也各言其志敏之辛中詞賦高第而公竟掌道教長春別幾二紀敏之以

使北見留隱為黃冠公兄事如昔并其屬給養之時河南新附士大夫之流寓於燕者往往竄名道籍公委曲招延飯于齋堂日數十人或者厭其煩公不恤也其待士之誠類如此長春道侶不下數百獨能識誠明於齋雅教育成就卒付重任其知人之明又如此故能歷事三朝荐承恩顧雲駟所至傾動南北香火送迎絡繹不絕及聞計音近者素服長號若喪考妣遠者出迓仙靈為位以哭可謂其生也榮其死也哀矣庚申夏四月全上嗣登寶位中統辛酉秋八月詔贈真常上德宣教真人號明年夏五月既望予方逃暑不出誠明子携諸執事踵門來見曰先師嗣法有功玄教今猷世幾七年不有以追述其美則門弟子輩俯仰慚怍殆無了期惟先生與師隣鄉縣熟其為人敢以斯文請予辭之力不踰月凡三見臨具狀其師之道行及持虛舟道人李鼎之和所為傳併以見示予觀其行實平美略無纖芥請怪之事乃以予平昔之所見聞併為次第其先後而銘之銘曰

道之為教基於老氏不肆不耀知足止性而身之全真則是質而文之真常乃爾專惟真常未出仙李重陽裔孫長春嫡子笑授弓弦傳法微旨留建樓霞嗣教伊始言必成章動必循理誠以待士廉以律已萬口推尊三朝付倚善始念終榮生哀死蒼蒼五華消消一水窮兮窈窕闕我冠履付昇得人連書遺美有狀斯述有傳斯紀仙靈雖昇仙聞不已我銘以辭無愧焉耳

終南山重陽萬壽宮洞真真人道行碑

宣校河南路轉運使兼康陽揚興撰

盈尺之璧徑寸之珠天下皆知其為寶也不以蘊於山淵而不聞沉於人乎東魯宣父炳辟世辟地之訓歷代史臣列隱逸民之傳宜乎緝豆千載百載而不廢也僕儒家者流竊有志於史學謹按洞真之行實斯亦古之所謂宗師者歟故碑之無疑師諱善慶字伯祥寧海人高門于公之後祖彥升主好時縣簿考道濟韜光不仕師幼不茹葷長通經史

大義雅嗜道德性命之學與馬丹陽同里開大定二十二年丹陽演法於金蓮道場蓋稚雲集而師預焉時甫十七矣丹陽見而奇之且嘆曰向畏重陽譴訶頗萌倦弛然得以終其業者彥升力也使是兒入道殆天報乎其家聽執凡杖以從再年冬丹陽返真徑造隴州龍門山謁丘長春春俾參長真於洛陽得鍊心法丐食同華間明昌初長春歸海上囑曰汝緣在汧隴無他往夫人需友以成不可不擇復入秦卜吳嶽東南峯鑿石以處日止一餐凡可以資於道者造次不暫舍絕跡人間七八年迄今目其龕曰于真人洞爰蕭察道淵待之如師後創觀汧陽之石門承安中好事者請玉清額禮體玄大師尋佩受法錄以輔道救物遠近益加崇敬泰和三年隴之州將保賜冲虛大師號五年再謁長春啓證心印退隱相州天平山六年長春介舉知常誠示密語督還汧隴仍易名志道師再三敬諾參長生久之道價隆重輝照一時雖黃髮故老自以為不逮也常謂學仙者存乎積

累赴人之急當如己之急八年南征凱還憫其停纍必盡力購援而後已元光二年隴山亂中太一宮李冲虛聞之舉以自代不起正大改元上悼西軍戰歿遣禮部尚書趙公秉文祭於平涼充濟度師秉文高其節圖像薦諸朝召之又不起二年饑荒或言路直秦岐之咽過客無別歲計奈何師曰吾門一見其難而遽如許不廣其矣言者悚愧未幾秋大熱遷五姓洞真觀環居弗出逼中使絡繹不絕起而應之遂領中太一宮事七年河南不雨召近侍護師降香濟源上初期望祀於官中而臨河阻風鐵劄既沉斥鼓棹前進登岸風如故立致甘澍特旨褒異兼提點五嶽佑神觀天興二年春京城送款于我朝驛訪高道以師為之冠秋七月約由中灤渡北邁時苦於餓依附者衆船人疑其有金帛遣還浴流而下夜將半遇一沙渚委之而去黎明驚濤四涌莫不倉皇失措會八柳樹堤潰乃定徐謂弟子符道清曰今日之事非爾不能濟道清秦人不安於水承命捷若神助俄賂二

舟馳近舉脫其厄其臨事如此過魏過魯過趙諸侯郊迎以相躡擁篲以相先玄通子范圓曦方為人所尊信主東平上清宮聞風虛席引避良有以也乙未秋入燕致祠處順堂下適清和嗣教門事待之如伯仲丙申燕境大旱而蝗俯徇輿情投符瀛溝乃雨蝗不為災戊戌夏四月詔天下選試道釋進號通玄廣德洞真真人秋七月掌教李公真常奏請住持終南山重陽萬壽宮適北京留守烏公築金真觀奉之庚子太傅移刺寶倫總管田雄交疏邀師會華祖庭即入命駕入關總官事素白雲李無欲實綱維之而曹冲和志陽貴潤色之丙午夏五月西遊華昌以汪侯德臣敦請故也冬盤桓秦亭賓僚劉澤珣王道寧焦澍朝夕左右動靜語默具西州錄丁未春二月還宮張道士來雲中躬拜庭下師堅讓不受執事者曰真人奇垂九秩替冠滿前以此而處淵源之地過矣師曰禮無不答大白若辱廣德若不足老氏有之以丹陽接一童子必答焉忍自尊大耶庚戌冬十月二日

沐浴正襟危坐猶平日翌日留頌以寓生不必樂死不必憂之旨曲肱歛息坦然順化春秋八十五後九日葬于宮之西北隅有洪鐘集行於世鎮陽馮侍郎壁傳其事甚悉在汴則尚書左丞張公行信平章政事侯公摯司諫許公古禮部尚書楊公雲翼王府司馬李守節修撰雷淵應奉翰林文字宋九嘉在燕則陳漕長時可吳大卿張侍讀本在關中則參省王輔臣即中邳邦用講議來獻臣同德寺丞楊天德員外郎張徹中書掾張憲經籍官孟攀鱗署丞張瑤蓋當世景慕者也容力取而言詰之哉師間氣天挺謙慈夷粹似簡而不失其倨似和而不涉於流信乎其難名也四方學徒不可勝數雖久於其事者未嘗見喜怒之色形於顏間察其日用之常則寒暑風雨無少變六十八年脇不沾帝衣不解帶可謂慎終如始矣與人言惟正心誠意而已至於高神願具之秘苟非其人閉口不吐恐失之強聒也精潔儉素不習而能一履屨之細至經歲不易肯以絲毫利諸已耶東徹

海岱南窮襄鄱西極沲肇北際燕遼魂蹤瑋
跡章章可考葬之明年春僕以南漕長告老
燕臺無微子促其徒往返六千里懇徵文石
嗚呼玄鶴不來青山已屨遐想巖扉強勒之
銘銘曰

維道與天初同原方術分裂無乃繁至人躍
然起海門丹陽嫡子重陽孫空山大澤環四
垣隱几坐觀萬馬奔物生不願為犧樽火烈
始見玉性温西翔東翔動帝閭歲早懷詔濟
瀆源洪流怒濤鯨吐吞靈符一擲懾老坤黃
廉馮夷掖兩轅焦殺載沃如平反朝那夜哭
戰死魂霓旌豹尾交續縹緲揚枝蹙灑消沉寬
隨機應物忘清渾疾雷破曠電燭昏功成弗
居德愈尊上賓碧落何軒軒道路掩面泣宿
恩洪鐘叩擊皆玄言包括鄴園羅漆園陸陶
珠派契義敦我舌入筆勢可捫赤書翠瑛馨
蘭蓀

甘水仙源錄卷之三

卷三 子

甘水仙源錄卷之四

走門 天樂道人 李 道謙 集

真常子李真人碑銘

初請大夫翰林修撰同知制誥楊雲雲篆張邦直撰

學道之難大要有三一曰悟理二曰弘教三

曰付界得人能備是者其真常真人乎真人
之所學即世之所謂全真者也是道之傳古
所未有倡始於重陽王君門弟子得其傳者
馬丹陽玄寶洎其室孫清淨不二譚長真道
正劉長生通妙丘長春通密王玉陽體玄郝
廣寧大通七人而已厥後學者徧天下無慮
數千萬人而習他教者為衰嗚呼盛哉真人
之時馬已謝世而丘劉王郝尚無恙真人歷
扣四君見者皆以為可教乃抽關啓鑰不少
靳固真人會集微妙淵停海涵無一不具由
是心益明了而其道坐進矣性好山林乘興
即往然未嘗留滯一處始在燕薊間尋之登
之萊之嵩之河秦既而即大梁之丹陽觀居
焉所至則徒眾奔走往來願受教門下者無
虛日真人一皆接納飲食教誨略無倦容故

人人咸自以為有得而依歸之誠益堅真人

一日遣人詣郿之五姓邀寧海于公伯祥主
中太乙宮且曰于吾友也風神灑落識度爽
曠衣褐懷玉而不願人知蓋吾先師長春子
所密授者他日與吾教者其斯人歟及癸巳
之春大朝遣使徵真人既受命治裝行有日
忽顧謂其眾曰天將興治古之道而吾不及
見吾向所以邀于者正謂今日也遂以後事
付于而問曰日景午未侍者曰午矣乃枕肱
而逝享年八十有三真人德興人諱志源李
其氏真常蓋丘師所賜號云其他神異之事
當世名公鉅人載之詳矣故不復具系之以
銘曰維昔重陽倡此全真孰承孰傳作者七
人迨及真人會同諸師微顯闡幽于南之陸
聲聞于天大朝來徵受命既還忽焉避登真
人嘗云寧海之于他日與教在斯人歟出言
必酬如響應聲所以前知得於至誠維生有
聞維後有傳槩之古人不幾乎全夷山之陽
汴水之南刻我銘詩以求厥垂

離峯子于公墓銘